

Աշխենը մի քանի անգամ եւս զանազան ձեւերով շուռ տոեց անտանելի բառը, բայց ոչ մէկը պատուաստ չդուրս եկաւ: Նա իր դժոար դրուօթիւնից ազատուելու համար փոխեց խօսքը:

– Ինչո՞ւ ես կտրատում ճիւղերը, հայրիկ, ափսոս չէ՞:

Յայրը բացատրեց նրան պատուաստի նշանակութիւնը, աւելացնելով.

– Եթէ այդ աւելորդ, անպէտք ճիւղերը չկտրատեմ, դու այն քաղցր հոտաւետ ինձորները, որ ուտում ես ձմեռը, այլեւս չես ուտի:

– Եր՞բ ինձոր կը տայ, հայրիկ, ո՞վ է իմանում, տասն տարուց յետոյ:

– Ինչո՞ւ տասը տարուց յետոյ, կարելի է երեք կամ չորս տարուց յետոյ, գաւակս:

– Բաս թող այդ մէկն էլ ես կապեմ:

– Յանգիստ կաց, Աշխէն, կը փչացնես:

– Ինչո՞ւ եմ փչացնում, երէկ այն կեռասենին ես կապեցի, փչացաւ՞:

Նա սկսեց կապել պատուաստի վերքը. փոքրիկ մատիկները արագութեամբ գործում էին, իսկ անհանգիստ լեզուն խօսում էր:

– Գիտե՞ս մայրիկը ճաշի համար ինչ է պատրաստում:

– Ի՞նչ է պատրաստում:

– Շատ ու շատ բան է պատրաստում, տասն տեսակ, ասում է, այսօր Արփիարը ու Յիւրբին պէտք է զան Մուշից: Արշակին էլ կը բերե՞ն, հայրիկ:

– Կը բերեն:

– Ես Արշակին շատ եմ սիրում, Յիւրբին էլ եմ սիրում, Արփիարին էլ եմ սիրում, բայց Արշակին շատ եմ սիրում: Յիմա Արշակը մեծացած կը լինի, հայրի՛կ, հիմա՛ խօսելիս կլինի... Ա՛խ, որքան ժամանակ է չեմ տեսել Արշակին... տասն ամիս կը լինի:

– Տասն ամիս որտեղի՞ց կը լինի, – նկատեց հայրը, – զատկին մեր տանը չէի՞ն:

Այդ միջոցին պարտեզի ցանկապատի մօտով անցնում էր մի սիրուն տղայ, որ Աշխէնից երկու տարով հազիւ մեծ կը լինէր: Գրքերը թեւքի տակին գնում էր նա դէպի գիւղական ուսումնարանը: Տեսնելով քրօջը, մօտեցաւ եւ ցանկապատի ետեւից ասաց.

– Աշխէն, ինչո՞ւ չես գնացել ուսումնարան:

Աշխէնը փոքրիկ ձեռքը տարաւ դէպի թշերի վրայ կապած սպիտակ թաշկինակը, պատասխանելով.